

Bikerchilbi Haldi 6.11.10

HaldibikerInnen

100 Kilorännä isch richtig gspunnä
het d'r Fryyli gägä Hüäber gwunnä

Im Alpäresli äs ihm sältä pressiärt
zum Glick wird d'r SPS glyy pensioniärt

D' Brigitte scho mängisch hätti wèllä
doch d'r Dübi sich immer tot tüät stellä
Seit liäber d's Läbä isch so schyter
ich gläübs ich nimä nu ä Liter

Wer gaht nachämä Biär nu nit grad hei
äs isch d'r Heckeler Werni Frei
Wenn's ä Wettbewärb gäbt, wer am längschtä isch doobä gsy
chämt mä am Werni nit verbyy

D's Vroni gheert fascht zum Inventar
müäss mängs ysteckä, das isch klar
Ä hüffä Sprich müäss äs immer gheerä
tiänt hiänta a dä Närvä zeerä (gäll Vroni)
Doch d's Meischtä treit sy ächt mit Fassig
mit irä zämä isch äs immer spassig
Vo d'r eignä Famili, äs isch fatal
chämed diä schlimmschtä Sprich, brutal
Drum Vroni, hinecht nur Tanzä und singä
statt surrä oder wèllä i Schächä springä

Am Computer cha d'r Reto sich entfältä
am Bärti syyni Homepage gstaltä
Midem Triteam är tüät Erfolgä fyrrä
äü einiges zum Bikerträff bystyrrä
Drum wämmär n'ä jetz uf Händä trägä
midämä chreftigä Appläus ihm dankä sägä

Churz sind's gsy diä Bikergschichtä
Ich wett jetz nu vomänä Alass brichtä

Grillabig ufem Schilt

D'r Grillabig ufem Schilt famos
Wätter und Ässä grandios
D'r Tisch und d'r Ahänker top plaziärt
d'r Bärt d'r halb Schilt het üsplaniärt

Dr' Kari het nu d'r Geburtstag gfyfred
Äü nu eppis zum Fäscht bygschtyyred
D's Trüdi und d'Techarä än Überraschig gmacht
Feins Dessert und Kafe midem Äüto bracht

D'r Haldisheriff isch speeter nu cho
het äü nu Dessert und Prosecco ubercho
Wo all parat gsy sind nach dem feinä Ässä
isch syy allei nu ufem Bänkli gsässä
Da ussä, bi dem scheenä Plätzli
will syy schlafä mit irem Schätzli
Aber d'r Bärti, dèr seit nei
chum stach üf, miär wend jetz hei
Doch Mary bleibt stur und spielt die Taube
sagt ständig: Ich glaube, es ist die Schraube
Am Wisli seit sy nimmä Wysi
dryy paar Chatzä gänt schyyns sächs Zyysi
Schlussändlich isch äs yys nu glungä
d's zweitä d'r Sheriff i Jeep nu brungä

Leider isch dèr Abig z'schnell verbyy
s'isch absolut d'r Hammer gsyy
Fir all diä Arbed, fir Spyyss und Trank
säged miär nu einisch d'r beshti Dank

Äü hinecht gänt syy wider beidi Vollgas
fir yyser's Wohl und yysärä Spass
Was diä zwei immer leischtet isch allnä klar
isch grandios, sensationell, unbezahlbar
Miär Haldibiker und Bikerinnä
chämed gärä i d's Alpäreesli innä
lär zwei tiänt immer fir yys sorgä
bi yych fühlet miär yys stets geborgä
Drum wèmmer a d'r Mary und am Bärti dankä sägä
midämä tosändä Apläüs, wo richtig tüät fägä

Äü hinecht wärdet miär verwehnt
nachem feinä Ässä wird heftig gschteent
Drum Tanzä isch agseit und äü singä
ä Bombä Stimmig i d'Büdä bringä
Uf d'r Tanzflechi wemmer alli gsee
D'r einzig wo nit tanzet isch d'r Dureh
Und ich sägä yych fir hinecht ade